

n'avez ny force ny credit sur nos ames. Mais d'où vient, luy difmes-nous, que tu n'est pas aymé de tes Capitaines? [128] Il n'en sçache qu'un, respondit-il, qui me haïsse, & celuy là me décrie auprès des autres, il a depit de ce que ie veux aller au Ciel, voyant bien qu'il ira en enfer s'il ne quitte ses femmes, ce qu'il ne fera iamais; il dit qu'il veut estre baptisé, mais si vous ne le baptisez avec deux femmes, il ne le fera de long-temps: Or comme il void que ie suis pour estre baptisé devant luy, quoy que vous ayez commencé de l'instruire devant moy, il me porte enuie de ce que ie veux aller le premier en Paradis. Sa response nous fit rire. Ce n'est pas neantmoins la raison pourquoy il est moins aymé. Cela prouvent de ce qu'estant libre, & d'une humeur hardie il paroït altier. Or les Sauvages ne sçauroient supporter en aucune façon ceux qui paroissent vouloir prendre quelque ascendant sur les autres, ils mettent toute la vertu en une certaine douceur ou apathie, ne reconnoissant quasi point de peché plus enorme que la colere.

En fin ce bon homme apres auoir frappé long-temps à la porte, fut admis au Sacrement de Baptême, on luy fit porter le nom d'Estienne au fortit de ce bain Sacré, il nous dit; Il me semble que ie suis [129] autre que ie n'estois, que i'ay une autre vie en moy, c'est tout de bon que ie veux obeïr à Dieu. Nous luy fimes entendre qu'il estoit à propos qu'il témoignaist à ses Compatriotes ses bonnes resolutions. Il l'ay desia fait, repliqua-il, i'ay publié par tout que ie voulois quitter mes méchantes habitudes, & qu'on m'auoit appris que les eaux du Baptême ne me feroient de rien, si ie ne voulois viure selon la Loy de Dieu, & de son Eglise: mais ie leur diray encor une